



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-11-708-1/20

Datum: 09.04.2020.godine

Na osnovu člana 70. stav 2. Zakona o organizaciji organa uprave u Federaciji BiH ("Službene novine Federacije BiH" br.: 35/05), a vezano za član 18. stav (1), član 21. stav (1) tačka d) i član 28. stav (1) Zakona o javnim nabavkama („Službeni glasnik Bosne i Hercegovine”, broj 39/14), te u skladu sa Odlukom o pokretanju postupka javne nabavke broj: 06-11-661-1/20 od 03.04.2020. godine, vršilac dužnosti Direktora Kantonalne uprave civilne zaštite Kantona Sarajevo, *donosi*

**ODLUKU O POKRETANJU PREGOVARAČKOG POSTUPKA BEZ OBJAVE
OBAVJEŠTENJA SA JEDNIM PONUĐAČEM**

I

Ovom odlukom pokreće se postupak javne nabavke u Kantonalnoj upravi civilne zaštite Kantona Sarajevo u cilju provođenja hitnih mjera zaštite i spašavanja koje se moraju provoditi na spašavanju ugroženih ljudi i materijalnih dobara u toku djelovanja prirodne i druge nesreće, (kao što su provedba evakuacije, prihvatanje i zbrinjavanje ugroženog stanovništva i imovine, osiguranje prometa i drugih mjera za zaštitu i spašavanje), te sprečavanje širenja opasnosti od (nepogoda i njihovih posljedica) epidemije. Izdvajanje sredstava odnosi se na finansiranje nabavke neophodnog zaštitnog medicinskog materijala, i to kako slijedi:

1. "Sredstva za dezinfekciju prostora i ruku"

Oznaka JRJN za ovaj predmet nabavke je 24455000-8 Dezificijensi.

2. "Antibakterijski sapun"

Oznaka JRJN za ovaj predmet nabavke je 33711900-6 Sapun

3. "Zaštitna odjeća i obuća"

Oznaka JRJN za ovaj predmet nabavke je 35113410-6 Odjeća za biološku i hemijsku zaštitu

4. "Zaštitni viziri"

Oznaka JRJN za ovaj predmet nabavke je 18142000-6 Zaštitni viziri

5. "Zaštitne kape"

Oznaka JRJN za ovaj predmet nabavke je 18444200-5 Zaštitne kape

6. "Zaštitni ogrtači"

Oznaka JRJN za ovaj predmet nabavke je 35113490-0 Zaštitni ogrtači

7. "Kombinezoni"



Oznaka JRJN za ovaj predmet nabavke je 18114000-1 Kombinezoni

8. "Zaštitne jednokratne rukavice"

Oznaka JRJN za ovaj predmet nabavke je 18424300-0 Zaštitne jednokratne rukavice

9. "Zaštitne naočale"

Oznaka JRJN za ovaj predmet nabavke je 33735100-2 Zaštitne naočale

10. "Zaštitne maske"

Oznaka JRJN za ovaj predmet nabavke je 18143000-3 Zaštitne maske

II

Zakonski osnov za provođenje postupka javne nabavke predstavlja član 21. stav (1) tačka d) i član 28. stav (1) Zakona o javnim nabavkama („Službeni glasnik Bosne i Hercegovine”, broj 39/14).

III

Procjenjena vrijednost nabavke iznosi do 266.000,00 KM (slovima: dvijestotinešezdesetšesthiljada KM) bez PDV-a.

IV

Sredstva za nabavku iz tačke I ove odluke se osiguravaju iz planiranih namjenskih sredstava Kantonalne uprave civilne zaštite Kantona Sarajevo za 2020. godinu sa ekonomskog koda: 613400 UAF001 – Nabavka materijala.

V

Ova Odluka stupa na snagu danom donošenja i bit će objavljena na službenoj stranici Kantonalne uprave civilne zaštite Kantona Sarajevo.

O b r a z l o ž e n j e

Krizni štab Ministarstva zdravstva Kantona Sarajevo zbog praćenja situacije i poduzimanja mjera radi sprečavanja i ranog otkrivanja bolesti izazvane novim korona virusom (COVID-19), koji je proglašen zaraznom bolešću i čije je sprečavanje i suzbijanje od interesa za Federaciju BiH, održao je sjednicu dana 10.03.2020. godine i donio naredbu kojom se preciznije definira i nalaže postupanje javnih subjekata i pojedinaca u trenutnim okolnostima. U ovoj naredbi su između ostalog sadržane i preporuke za postupanje građana izdate od strane Službe za epidemiologiju Federacije BiH, a sve u cilju prevencije.

Na osnovu Zakona o zaštiti spašavanja ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i Odluke Vlade Federacije BiH od 16.03.2020. godine, Federalni štab civilne zaštite donio je niz naredbi kojim će se pokušati suzbiti širenje koronavirusa na području Federacije BiH.

Svjetska zdravstvena organizacija je dana 11.03.2020. godine službeno proglasila pandemiju. Vijeće ministara BiH je donijelo Odluku o proglašenju stanja prirodne ili druge nesreće na teritoriji Bosne i Hercegovine 17.03.2020. godine, a Vlada FBiH je donijela Odluku o proglašenju stanja nesreće zbog coronavirusa na području FBiH 16.03.2020. godine, te je s tim u vezi i Agencija za javne nabavke Bosne i Hercegovine izdala saopštenje, broj: 02-02-1-489-1/20 od 17.03.2020. godine, kojim se obrazlaže način postupanja ugovornih organa u provođenju postupaka javnih nabavki neophodnih za sprječavanje širenja i ublažavanje posljedica pandemije. Također, Vlada Kantona



Sarajevo je dana 18.03.2020. godine donijela Odluka o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20.

Nadalje, Štab civilne zaštite Kantona Sarajevo je na 6. vanrednoj sjednici održanoj, 02.04.2020. godine, donio Odluku, broj: 08-40-642/20, za nabavku neophodnog zaštitnog medicinskog materijala u svrhu zaštite javnog interesa u cilju spašavanja ljudskih života i zdravlja od zaraznih bolesti izazvanih pandemijom koronavirusa (COVID- 19).

Primjena redovnih postupaka javne nabavke, odnosno vrijeme potrebno za provođenje istih, prouzrokovalo bi izuzetno negativne posljedice prilikom poduzimanja aktivnosti u cilju spašavanja ljudskih života i zdravlja od zaraznih bolesti izazvanih pandemijom koronavirusa (COVID- 19), te je shodno navedenom Ugovorni organ na temelju ove procjene donio odluku da se provede pregovarački postupak bez objave obavještenja.



Dostavljeno:

- Naslovu
- a/a



